

# Framlegg til forskrift om vern av Einarvannet naturreservat, Flekkefjord og Lund kommunar, Agder og Rogaland.

Fastsett ved kongeleg resolusjon [dato] med heimel i lov 19. juni 2009 nr. 100 om forvaltning av naturens mangfold (naturmangfoldloven) § 34, jf. § 37 og § 62 [og § 77]. Fremma av Klima- og miljødepartementet.

## § 1 Formål

Formålet med forskrifta er å bevare eit større samanhengande skogsområde med alt naturleg plante- og dyreliv. Av særskilte kvalitetar nemnast område med godt utvikla, variert og rikt skogsområde med eldre furu på høg bonitet, mot vest går skogen over i mosaikk med myr og furuskog. Edellauvskog førekjem som svak lågurt-eikeskog og lindeskog. Området har også gamal og velutvikla lauvdominert boreal skog. Frå dei høgareliggande område i reservatet renn fossar og stryk gjennom bekkeløfter, og store variasjonen i naturtypar gir høgt biologisk mangfald.

Det er ein målsetnad å behalde verneverdiane i mest mogleg urørt tilstand, og eventuelt vidareutvikla dei.

## § 2 Geografisk avgrensing

Naturreservatet omfattar følgjande gnr./bnr. i:

Flekkefjord kommune: 128/1, 128/2, 128/4, 128/5, 128/6, 129/5, 130/1, 130/2, 130/3, 130/5 og 130/7.

Lund kommune: 18/1, 19/1 og 19/3.

Naturreservatet dekker eit totalareal på om lag 6621 daa. Grensene for naturreservatet går fram av kart datert Klima- og miljødepartementet [dato]. De nøyaktige grensene for naturreservatet skal merkast i marka. Knekkpunkta skal koordinatfestast.

Verneforskrifta med kart oppbevarast i Flekkefjord og Lund kommunar, hjå Fylkesmannen i Agder og i Rogaland, i Miljødirektoratet og i Klima- og miljødepartementet.

## § 3 Vernereglar

I naturreservatet må ingen foreta seg noko som forringer verneverdiane angitt i verneformålet.

I naturreservatet gjelder følgjande vernereglar

- a. Vegetasjonen, medrekna daude buskar og tre, er verna mot skade og øydelegging. Det er forbode å fjerna planter og sopp inkludert lav eller delar av desse frå naturreservatet. Planting eller såing av tre og annan vegetasjon er forbode.
- b. Dyrelivet, medrekna reirplassar og hiområde, er verna mot skade, øydelegging og unødig forstyrring. Utsetjing av dyr er forbode.
- c. Det må ikkje setjast i verk tiltak som kan endra naturmiljøet, som til dømes oppføring av bygningar, anlegg, gjerde, andre varige eller mellombels innretningar, parkering av campingvogner, brakker e. l., opplag av båtar, framføring av luftleidningar, jordkablar, kloakkleidningar, bygging av vegar, drenering eller anna form for tørrlegging, uttak, oppfylling eller lagring av masse, utføring av kloakk eller andre konsentrerte ureiningar, plassering av avfall, gjødsling, kalking eller bruk av kjemiske middel. Forsøpling er forbode. Opplistinga av tiltak er ikkje uttømande.
- d. Bruk av naturreservatet til større arrangement er forbode.

## § 4 Generelle unntak frå vernereglane

Vernereglane i § 3 annet ledd er ikkje til hinder for

- a. Sanking av bær og matsopp
- b. Jakt, fangst og fiske i samsvar med gjeldande lovverk

- c. Felling av store rovdyr i samsvar med gjeldande lovverk
- d. Vedlikehald av eksisterande bygningar, vegar, og andre anlegg og innretningar i samsvar med tilstanden på vernetidspunktet.
- e. Skånsam beiting
- f. utsetting av saltsteinar
- g. Bålbrenning med tørrkvist frå bakken eller med ved teken med inn i reservatet i samsvar med gjeldande lovverk
- h. Mellombels opplag av båt i Djupetjønn til bruk i elgjakta.
- i. Opplag av båt til eiga bruk for grunneigarar i området.
- j. Drift og vedlikehald, samt naudsynt istandsetjing ved akutt utfall eller fare for akutt utfall på eksisterande energi- og kraftanlegg.
- k. Oppgradering eller fornying av kraftleidningar for heving av spenningsnivå og auking av linetverrsnitt når dette ikkje skadar verneverdiane i verneføremålet nemneverdig.

### **§ 5 Regulering av ferdsel**

All ferdsel skal skje varsamt og ta omsyn til vegetasjon, dyreliv og kulturminne.

I naturreservatet gjeld følgjande reglar om ferdsel:

- a. Motorferdsel på land og på vatn er forbode, medrekna landing og start med luftfartøy.
- b. Sykling, riding og bruk av hest er forbode, utanom på eksisterande vegar og stiar

### **§ 6. (generelle unntak frå reglane om ferdsel)**

Ferdselsreglane i § 5 er ikkje til hinder for gjennomføring av militær operativ verksemd og tiltak i samband med ambulanse-, politi-, brannvern-, rednings- og oppsynsverksemd, samt gjennomføring av skjøtsels- og forvaltingsoppgåver som er bestemt av forvaltingsstyresmakta. Unntaket gjeld ikkje øvingskøyning.

Ferdselsreglane i § 5 andre ledd er ikkje til hinder for:

- a) Naudsynt motorferdsel for uttransport av sjuke og skadde bufe. Køyretøy som nyttast skal vera skånsamt mot markoverflata. Det skal gjevast melding til ansvarleg oppsyn for verneområdet i forkant av køyning.
- b) Naudsynt motorferdsel i samband med akutt utfall eller fare for akutt utfall på eksisterande energi- og kraftanlegg. Ved bruk av motorisert transport skal det i etterkant sendast melding til forvaltingsstyresmakta.
- c) Naudsynt uttransport av felt elg og hjort med lett beltekøyretøy som ikkje set varige spor i terrenget.
- d) Landing og start med Forsvarets luftfartøy.

### **§ 7. (spesifiserte dispensasjonsreglar)**

Forvaltingsstyresmakta kan etter søknad gje løyve til:

- a) Avgrensa bruk av reservatet for aktivitetar nemnt i § 3 d.
- b) Istandsetjing, vedlikehald og skjøtsel av kulturminne.
- c) Tiltak i samband med forvaltning av vilt og fisk.
- d) Merking, rydding og vedlikehald av eksisterande stiar.
- e) Gjenoppføring av bygningar, anlegg eller innretningar som er gått tapt ved brann eller naturskade.
- f) Oppgradering eller fornying av kraftleidningar som ikkje fell inn under § 4.
- g) Naudsynt motorferdsel i samband med drift, vedlikehald, oppgradering og fornying av kraftleidningar.
- h) Oppføring av gjerde i samband med beiting.

- i) Uttak av norsk gran og utanlandske treslag
- j) Opplag av båt.
- k) Øvingskøyring for føremål nemnd i § 6 første ledd.
- l) Vedlikehald av dreneringsgrøft markert i vernekartet.
- m) Restaurering av eksisterande bygningar på Sandmarkstølen og Heimre Stølen nordaust for Djupetjønn.
- n) Motorferdsel med lett beltekøyretøy som ikkje sett varige spor i terrenget, på frossen eller snødekt mark langs trasé merka i vernekart for transport av naudsynt materiale, utstyr og ved til hytta ved Støbekken.
- o) Naudsynt motorferdsel for aktivitetar etter § 4 d og f og § 7 b, c, e, h og i.

### **§ 8. (generelle dispensasjonsreglar)**

Forvaltingsstyresmakta kan gjera unntak frå forskrifta dersom det ikkje strir mot føremålet med vernet og ikkje kan påverka verneverdiane nemneverdig, eller dersom omsynet til tryggleik eller omsynet til vesentlege samfunnsinteresser gjer det naudsynt, jf. naturmangfaldlova § 48.

### **§ 9. (skjøtsel)**

Forvaltingsstyresmakta, eller den forvaltingsstyresmakta bestemmer, kan setja i verk tiltak for å oppretthalda eller oppnå den natur- og kulturtilstanden som er føremålet med vernet, jf. naturmangfaldlova § 47.

### **§ 10. (forvaltningsplan)**

Det skal utarbeidast forvaltningsplan med nærare retningsliner for forvaltning av naturreservatet. Forvaltningsplanen kan innehalda nærare retningsliner for gjennomføring av skjøtsel.

### **§ 11. (forvaltingsstyresmakt)**

Miljødirektoratet fastset kven som skal ha forvaltingsstyresmakta etter denne forskrifta.

### **§ 12. (ikraftsetjing)**

Denne forskrifta trer i kraft straks.